

(একই নম্বর ও তারিখে প্রতিস্থাপিত)

গণপ্রজাতন্ত্রী বাংলাদেশ সরকার

খাদ্য মন্ত্রণালয়

(সংস্থা প্রশাসন শাখা)

বাংলাদেশ সচিবালয়, ঢাকা।

www.mofood.gov.bd

নং-১৩.০০.০০০০.০২২.১৯.০০১.১৯-৪২৬

তারিখ: ১৭ ভাদ্র, ১৪২৬ ব.
০১ সেপ্টেম্বর, ২০১৯ খ্রি.

খাদ্য অধিদপ্তরের কর্মকর্তা ও কর্মচারীগণের বদলি/পদায়ন নীতিমালা-২০১৯

খাদ্য অধিদপ্তরের ক্যাডার-ননক্যাডার কর্মকর্তা ও কর্মচারীগণের পেশাগত দক্ষতা বৃদ্ধি, অভিজ্ঞতা অর্জন এবং কর্মসম্পাদনে গতিশীলতা আনয়ন ও মানসম্মত জনসেবা নিশ্চিতকরণের লক্ষ্যে যুগোপযোগী বদলি/পদায়ন নীতিমালা প্রণয়ন অপরিহার্য হয়ে পড়েছে। এছাড়া লক্ষ্য করা যাচ্ছে যে, অনেক কর্মকর্তা বর্তমানে কর্মস্থল থেকে বদলি আদেশ জারি করার পরও বদলিকৃত কর্মস্থলে যোগদান করতে অস্বীকার করে এবং যেন নতুন কর্মস্থলে যোগদান করতে না হয় সেজন্য কালক্ষেপণ করেন ও বদলির আদেশ বাতিলের জন্য অযাচিত তদবিরের আশ্রয় নেন। কর্মকর্তাদের মাঝে সাম্প্রতিক সময়ে এ প্রবণতা উত্তরোত্তর বৃদ্ধি পাচ্ছে। এতে বিভিন্ন প্রকার প্রশাসনিক জটিলতা সৃষ্টিসহ কাজের গতি শ্লথ হয়। সরকার উপরিউক্ত বিষয়গুলো বিবেচনা করে পুনরাদেশ না দেয়া পর্যন্ত খাদ্য অধিদপ্তরের ক্যাডার-ননক্যাডার কর্মকর্তা ও কর্মচারীগণের বদলি সংক্রান্ত বিষয়ে স্বচ্ছতা, জবাবদিহিতা আনয়ন এবং অধিকতর শৃঙ্খলা প্রতিষ্ঠার লক্ষ্যে এ নীতিমালা জারি করছে। কর্মকর্তা ও কর্মচারীগণকে পদায়নের ক্ষেত্রে সাধারণভাবে এ নীতিমালা অনুসৃত হবে।

১। খাদ্য অধিদপ্তরের নিম্নোক্ত কর্মকর্তা/কর্মচারীগণের বদলি তাদের পদবীর বিপরীতে উল্লেখিত কর্মকর্তাগণ কর্তৃক সম্পন্ন হবেঃ-

(ক)	অতিরিক্ত পরিচালক/সাইলো অধীক্ষক/সমমান ও তদুর্ধ্ব পর্যায়ের সকল কর্মকর্তা	
(খ)	জেলা পর্যায়ের অফিস প্রধান এবং অধিদপ্তরের ৯ম বা তদুর্ধ্ব গ্রেডের সকল ক্যাডার কর্মকর্তা	খাদ্য মন্ত্রণালয়
(গ)	জেলা পর্যায়ের অফিস প্রধান, অধিদপ্তরের ৯ম বা তদুর্ধ্ব গ্রেডের সকল ক্যাডার কর্মকর্তা ব্যতীত অন্যান্য সকল কর্মকর্তা	
(ঘ)	উপজেলা খাদ্য নিয়ন্ত্রক/সমমানের ৯ম গ্রেডভুক্ত নন-ক্যাডার সকল কর্মকর্তা	মহাপরিচালক খাদ্য অধিদপ্তর
(ঙ)	'এ' গ্রেডভুক্ত এলএসডি এর সংরক্ষণ ও চলাচল কর্মকর্তা এবং সিএসডি এর সহকারী ব্যবস্থাপক	
(চ)	১০ম গ্রেড হতে ২০তম গ্রেডভুক্ত সকল কর্মচারীর আন্তঃবিভাগীয় বদলি	
(ছ)	'বি' গ্রেডভুক্ত এলএসডি এর ভারপ্রাপ্ত কর্মকর্তা, খাদ্য পরিদর্শক ও সমমানের কর্মকর্তা (১০ম গ্রেড) এবং 'সি' গ্রেডভুক্ত এলএসডি এর ভারপ্রাপ্ত কর্মকর্তা	নিজ নিজ অধিক্ষেত্রের মধ্যে সংশ্লিষ্ট আঞ্চলিক খাদ্য নিয়ন্ত্রক
(জ)	১১ থেকে ২০তম গ্রেডভুক্ত সকল কর্মচারীদের আন্তঃজেলায় বদলি	
(ঝ)	জেলার অভ্যন্তরে খাদ্য পরিদর্শক/সমমান ছাড়া ১১ থেকে ২০তম গ্রেডভুক্ত কর্মচারি	নিজ নিজ অধিক্ষেত্রের মধ্যে সংশ্লিষ্ট জেলা খাদ্য নিয়ন্ত্রক

২। বদলির ক্ষেত্রে নিম্নের বিষয়গুলো যথাযথভাবে বিবেচ্যঃ

(ক) একই কর্মস্থলে কার্যকাল ০২ (দুই) বছর হলে সাধারণত কোন কর্মকর্তা/কর্মচারী বদলিযোগ্য হবেন। একই কর্মস্থলে কোন কর্মচারীকে ০৩ (তিন) বছরের অধিককাল নিয়োজিত রাখা যাবে না। পার্বত্য এলাকা এবং দুর্গম এলাকায় (যেমন হাওর/দ্বীপ/চর) কোন কর্মকর্তা/কর্মচারীর চাকুরীকাল মোট চাকরি জীবনে ৪ বছরের অধিক হবে না;

(খ) জনস্বার্থে অথবা প্রশাসনিক প্রয়োজনে নিজ নিজ অধিক্ষেত্রের মধ্যে বদলির ক্ষমতা প্রাপ্ত কর্তৃপক্ষ যেকোন সময় যেকোন স্থানে যেকোন কর্মকর্তা বা কর্মচারীকে বদলি বা পদায়ন করতে পারবে। সেক্ষেত্রে উপানুচ্ছেদ ২ (ক) এর বিধান প্রযোজ্য হবে না;

(গ) জেলা খাদ্য নিয়ন্ত্রক বা সমমানের পদ এবং ৯ম গ্রেডভুক্ত ক্যাডার বা নন-ক্যাডার পদে, সিএসডি এর সহকারী ব্যবস্থাপক/ব্যবস্থাপক এবং এলএসডি এর সংরক্ষণ ও চলাচল কর্মকর্তা/ভারপ্রাপ্ত কর্মকর্তা পদে নিজ জেলায় নিয়োগ/পদায়ন করা যাবে না। এছাড়াও ১০ম থেকে ১৬তম গ্রেডভুক্ত কর্মকর্তা/কর্মচারীকে নিজ উপজেলায় নিয়োগ/বদলি করা যাবে না। তবে ৯ম গ্রেডভুক্ত পদে কর্মরত কোন কর্মকর্তা ৫৮ বছর বয়সে নিজ উপজেলা ব্যতিত নিজ জেলায় বদলি হতে পারবেন;

(ঘ) কারিগরি পদ ব্যতিত একই কর্মস্থলে একই পদে কোন কর্মকর্তা/কর্মচারীকে একাধিকবার বদলি/পদায়ন/সংযুক্তি প্রদান করা যাবে না;

(ঙ) কোন কর্মকর্তার স্ত্রী বা স্বামী উভয়েই চাকরিজীবী হলে নিজ জেলা ব্যতিত একই কর্মস্থলে বা যথাসম্ভব নিকটবর্তী কর্মস্থলে পদায়নের বিষয়টি অগ্রাধিকার ভিত্তিতে বিবেচনা করা যেতে পারে;

(চ) আর্থিক অনিয়মের জন্য সরকারি ক্ষতি আদায়ের আদেশ হয়েছে অথবা গুরু দণ্ড হয়েছে এমন কর্মকর্তা/কর্মচারীকে পুনরায় কোন এলএসডি/সিএসডি/সাইলোতে ভারপ্রাপ্ত কর্মকর্তা/সংরক্ষণ ও চলাচল কর্মকর্তা/সহকারী ব্যবস্থাপক/ব্যবস্থাপক/সাইলো অধীক্ষক পদে কোন ভাবেই নিয়োগ/পদায়ন করা যাবে না। লঘু দণ্ড প্রাপ্তদের ক্ষেত্রে লঘু দণ্ড জারির তারিখ থেকে ১ বছর পর্যন্ত কর্মকর্তা/কর্মচারীকে পুনরায় কোন এলএসডি/সিএসডি/সাইলোতে ভারপ্রাপ্ত কর্মকর্তা/সংরক্ষণ ও চলাচল কর্মকর্তা/সহকারী ব্যবস্থাপক/ব্যবস্থাপক/সাইলো অধীক্ষক পদে নিয়োগ/পদায়ন করা যাবে না;

অ:প:দ্র:

(ছ) খাদ্য পরিদর্শক/সমমান পদে সরাসরি নিয়োগপ্রাপ্তদের চাকরিকাল ন্যূনপক্ষে ০২ (দুই) বছর এবং পদোন্নতি প্রাপ্তদের ক্ষেত্রে ০১ (এক) বছর পূর্ণ হলে 'সি' গ্রেডভুক্ত এলএসডিতে ভারপ্রাপ্ত কর্মকর্তা হিসেবে পদায়ন করা যাবে। 'সি' গ্রেডভুক্ত এলএসডিতে ন্যূনতম ০২ (দুই) বছরের ভারপ্রাপ্ত কর্মকর্তা হিসেবে অভিজ্ঞতা সম্পন্ন কর্মকর্তাকে 'বি' গ্রেডভুক্ত এলএসডিতে ভারপ্রাপ্ত কর্মকর্তা হিসেবে পদায়ন করা যাবে। 'বি' গ্রেডভুক্ত এলএসডিতে ভারপ্রাপ্ত কর্মকর্তা হিসেবে ন্যূনতম ০২ (দুই) বছরের অভিজ্ঞতা সম্পন্ন এবং বিধি মোতাবেক ৯ম গ্রেডে পদোন্নতিপ্রাপ্ত কর্মকর্তাকে 'এ' গ্রেডভুক্ত এলএসডিতে সংরক্ষণ ও চলাচল কর্মকর্তা হিসেবে পদায়ন করা যাবে। তবে, ৯ম গ্রেডে সরাসরি নিযুক্ত এবং কমপক্ষে ০২ (দুই) বছরের চাকুরীর অভিজ্ঞতা সম্পন্ন উপজেলা খাদ্য নিয়ন্ত্রকগণের ক্ষেত্রে এ বিষয়টি প্রযোজ্য হবে না।

(জ) কোন কর্মকর্তাকে মোট চাকরি জীবনে ০৫ (পাঁচ) বছরের অধিককাল 'এ' গ্রেডভুক্ত এলএসডিতে নিয়োজিত রাখা যাবে না। 'এ', 'বি' এবং 'সি' গ্রেডভুক্ত এলএসডিতে (বিদ্যমান এ, বি, সি গ্রেডভুক্ত এলএসডি) তালিকা অনুযায়ী কোন কর্মকর্তাকে ভারপ্রাপ্ত কর্মকর্তা/চলাচল ও সংরক্ষণ কর্মকর্তা পদে পদায়নের জন্য পূর্ণাঙ্গ তথ্যবহুল যোগ্য কর্মকর্তাদের তালিকা (ফিট লিস্ট) খাদ্য অধিদপ্তর প্রস্তুত করবে। চাকুরির জ্যেষ্ঠতা, দক্ষতা, সন্তোষজনক চাকুরি ও এসিআর এর ভিত্তিতে ফিট লিস্ট প্রস্তুত করতে হবে;

(ঝ) ৫৭ (সাতান্ন) বৎসর কিংবা তদুর্ধ্ব বয়সের কোন কর্মকর্তা/কর্মচারীকে এলএসডি/সিএসডিতে ভারপ্রাপ্ত কর্মকর্তা/চলাচল ও সংরক্ষণ কর্মকর্তা বা সহকারী ব্যবস্থাপক/ব্যবস্থাপক এর দায়িত্ব দেয়া যাবে না এবং দায়িত্বে নিয়োজিত রাখা যাবে না;

(ঞ) ২ (ছ) অনুচ্ছেদে বর্ণিত সকল পদায়নের ক্ষেত্রে জ্যেষ্ঠতা, দক্ষতা, সন্তোষজনক চাকুরি ও এসিআর বিবেচনা করতে হবে।

(ট) একাধিক্রমে ০২ (দুই) বার এলএসডি/সিএসডিতে ভারপ্রাপ্ত কর্মকর্তা/সংরক্ষণ ও চলাচল কর্মকর্তা বা সহকারী ব্যবস্থাপক/ব্যবস্থাপকের দায়িত্ব পালন করার পর কোন কর্মকর্তাকে পুনরায় উক্ত পদে পদায়ন করতে হলে কমপক্ষে ০২ (দুই) বছর ভিন্ন প্রকৃতির কাজে নিয়োজিত থাকতে হবে;


(ঠ) এলএসডি'র ভারপ্রাপ্ত কর্মকর্তা হিসেবে পদায়নের ক্ষেত্রে খাদ্য পরিদর্শকগণকে অগ্রাধিকার দেয়া হবে। তবে মহাপরিচালক এর অনুমোদনক্রমে কোন বিশেষ ক্ষেত্রে উপ-খাদ্য পরিদর্শককে পদায়ন করা যেতে পারে। সেক্ষেত্রে চাকুরির জ্যেষ্ঠতা, দক্ষতা, সন্তোষজনক চাকুরি ও এসিআর এর ভিত্তিতে 'সি' গ্রেডভুক্ত এলএসডিতে পদায়ন করতে হবে।

৩। বদলি আদেশ জারির তারিখ হতে পরবর্তী ০৭ (সাত) কার্যদিবসের মধ্যে বদলিকৃত কর্মকর্তা/কর্মচারীকে নতুন কর্মস্থলে যোগদান ও দায়িত্ব গ্রহণ/হস্তান্তর করতে হবে। অন্যথায় উক্ত সময় পরে বদলিকৃত কর্মকর্তা/কর্মচারী তাৎক্ষণিক অবমুক্ত হিসেবে গণ্য হবে। পদায়নকৃত কর্মকর্তা/কর্মচারী এ আদেশ লংঘন করলে তার বিরুদ্ধে বিভাগীয় ব্যবস্থা গ্রহণ করা হবে।

৪। এ নীতিমালা জারির পর ইতোপূর্বে জারিকৃত এ সংক্রান্ত সকল নীতিমালা, সংশোধনী আদেশ ও অফিস আদেশসমূহ বাতিল বলে গণ্য হবে।

৫। জনস্বার্থে অথবা প্রশাসনিক প্রয়োজনে খাদ্য মন্ত্রণালয় এ নীতিমালার যেকোন পরিবর্তন, পরিমার্জন, সংযোজন বা সংশোধন করার ক্ষমতা সংরক্ষণ করে।

৬। জনস্বার্থে জারিকৃত এ নীতিমালা অবিলম্বে কার্যকর হবে।


(শাহাবুদ্দিন আহমদ)
সচিব
খাদ্য মন্ত্রণালয়
বাংলাদেশ সচিবালয়, ঢাকা।

নং-১৩.০০.০০০০.০২২.১৯.০০১.১৯-৪২৬/১(৯০)

তারিখ: ১৭ ভাদ্র, ১৪২৬ ব.
০১ সেপ্টেম্বর, ২০১৯ খ্রি.

সদয় অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরণ করা হলো (জ্যেষ্ঠতার ক্রমানুসারে নয়)

১। মহাপরিচালক, খাদ্য অধিদপ্তর, ১৬, আব্দুল গণি রোড, ঢাকা।

২। পরিচালক (সকল), খাদ্য অধিদপ্তর, ১৬, আব্দুল গণি রোড, ঢাকা।


৩। মন্ত্রীর একান্ত সচিব, খাদ্য মন্ত্রণালয় (মাননীয় মন্ত্রী মহোদয়ের সদয় অবগতির জন্য)।

৪। সচিবের একান্ত সচিব, খাদ্য মন্ত্রণালয় (সচিব মহোদয়ের সদয় অবগতির জন্য)।

৫। আঞ্চলিক খাদ্য নিয়ন্ত্রক, ঢাকা/চট্টগ্রাম/রাজশাহী/রংপুর/খুলনা/বরিশাল/সিলেট।

৬। জেলা খাদ্য নিয়ন্ত্রক,-----জেলা (সকল)।

৭। প্রোগ্রামার, খাদ্য মন্ত্রণালয়, বাংলাদেশ সচিবালয়, ঢাকা (ওয়েবসাইটে প্রকাশের অনুরোধসহ)


(শারমিন ইয়াসমিন)

সিনিয়র সহকারী সচিব

ফোন: ৯৫৪০১১২

sasestabadmin@mofood.gov.bd